



REPULIKA E SHQIPERISË  
MINISTRIA E MJEDISIT  
AGJENCIA KOMBËTARE E MJEDISIT  
DREJTORIA E SHQYRTIMIT DHE MONITORIMIT TE LEJEVE MJEDISORE DHE  
VNM

AN260120260031

Tiranë, më:27.02.2026

Komisioni 18

**Lënda: Njoftim për vazhdim procedure për VNM të Thelluar, “A-K-KANINA” SHPK**

**“A-K-KANINA "SHPK**

Adresa: Godinë private fushë Kaninë, Kaninë, Vlorë.

**MINISTRISË SË MJEDISIT**

Drejtorisë së Përgjithshme Rregullatore dhe Përputhshmërisë

Agjencia Kombëtare e Mjedisit mori në dorëzim kërkesën e subjektit “A-K-KANINA” sh.p.k. me nr AN260120260031 aplikimi, datë 26/01/2025 në lidhje me procedurën për njoftim të procedurës së thelluar të VNM-së për projektin “Instalime për mbarështimin intensiv të pulave qe rriten per veze”, me vendndodhje në fshatin Kaninë, Vlorë, bazuar në pikën 3, të Kreut II, të VKM nr. 686, datë 29.07.2015 “Për miratimin e rregullave, të përgjegjësive e të afateve për zhvillimin e procedurës së vlerësimit të ndikimit në mjedis (VNM) dhe procedurës së transferimit të vendimit dhe deklaratës mjedisore”, të

ndryshuar, Ministria e Mjedisit rekomandon si më poshtë vijon:

**1. Qëndrimi i Drejtorive Teknike:**

**Drejtoritë teknike të Ministrisë, shprehin mendimin si më poshtë:** Drejtoria e Klimës shprehet me rekomandimet si më poshtë vijon:

Në zbatim të legjislacionit përkatës për fushën e menaxhimit të kimikateve, sugjerohet që gjatë fazës së ndërtimit, të mbahen në konsideratë rekomandimet e mëposhtme:

- Subjekti dhe punonjësit duhet të jenë të familjarizuar dhe të respektojnë në mënyrë rigoroze masat dhe rekomandimet për mbrojtjen, sigurinë e njeriut dhe mjedisit, nga kimikatet që do të përdoren për qëllime të këtij aktiviteti, në zbatim të ligjit nr. 27/2016 “Për menaxhimin e kimikateve”;

- Kimiketat ose produktet/artikujt që i përmbajnë ato, që do të përdoren, të jenë të klasifikuara, etiketuara, paketuara dhe të shoqërohen me dokumentacionin me të dhënat e sigurisë kimike (MSDS), sipas kërkesave të legjislacionit në fuqi (VKM-së nr. 488, datë 29.6.2016 “Për klasifikimin, etiketimin dhe ambalazhimin e kimikateve”, si dhe

VKM-së nr. 9, datë 9.1.2019 “Për rregullat e detajuara dhe metodat për kryerjen e vlerësimit të sigurisë së kimikatit, si edhe kërkesat specifike, përmbajtja dhe formati I dokumentit me të dhënat e sigurisë”);

- Kimiketat ose produktet/artikujt që i përmbajnë ato, që do të përdoren, të ruhen dhe menaxhohen në mënyrë të sigurt, në zbatim të ligjit nr. 27/2016 “Për menaxhimin e kimikateve”.

□ Në zbatim të legjislacionit përkatës për fushën e ndryshimeve klimatike, rekomandohet:

- Të kryhen punime miqësore me mjedisin dhe të përdoren materiale të rinovueshme dhe lokale, ndërtesa të jetë ekologjikisht efçente dhe e mirë-izoluar;

- Të krijohen hapësira të gjelbra rreth objektit.

*Drejtoria e Ekonomisë Qarkulluese shprehet:* Aplikuesi, i cili në aplikimin AN111220250134, datë 11.12.2025, kërkon të pajiset me VNM praprake, duhet të përmbushen detyrimet për menaxhimin e mbetjeve, në zbatim të kuadrit ligjor në fuqi, në fushën e mbetjeve, si më poshtë vijon:

• Të zbatohet Ligji nr. 10 463, date 22.09.2011 “Per menaxhimin e integruar të mbetjeve”, të ndryshuar.

• Të respektohen kërkesat e Vendimit të Këshillit të Ministrave nr. 418, date 25.06.2014 “Për grumbullimin e diferencuar të mbetjeve në burim”.

• Mbetjet që do të krijohen, të specifikohen sipas kodeve të Vendimit të Këshillit të Ministrave nr. 402, datë 30.06.2021 “Për miratimin e katalogut të mbetjeve”.

• Transferimi i mbetjeve jo të rrezikshme të shoqërohet me plotësimin e shtojcës I të Vendimit të Këshillit të Ministrave nr. 229, datë 23.04.2014, “Për miratimin e rregullave për transferimin e mbetjeve jo të rrezikshme dhe të dokumentit të transferimit të mbetjeve jo të rrezikshme”, të ndryshuar. Në raport citohet VKM e pandryshuar.

• Mbetjet e rrezikshme, të dorëzohen sipas Vendimit të Këshillit të Ministrave nr. 371, date 11.06.2014 “Për përcaktimin e rregullave për dorëzimin e mbetjeve të rrezikshme dhe miratimin e dokumentit të dorëzimit të mbetjeve të rrezikshme”, të ndryshuar. Në raport citohet VKM e pandryshuar.

• Subjekti që do të transportojë ose do të transferojë mbetjet të jetë i pajisur me liçensë III.2.B, si detyrim i nenit 57, të ligjit nr. 10463, date 22.09.2011 “Për menaxhimin e integruar të mbetjeve”.

• Për të gjitha mbetjet nga ambalazhet të zbatohet Vendimi i Këshillit të Ministrave nr. 177, datë 06.03.2012, “Për ambalazhet dhe mbetjet e tyre”, i ndryshuar.

Në veprimtarinë për të cilën aplikon subjekti, menaxhimi i mbetjeve të bëhet sipas parimit të përgjegjshmërisë ndaj mjedisit, në përputhje me VKM nr. 418, datë 27.5.2020 “Për miratimin e Dokumentit të Politikave Strategjike dhe të Planit Kombëtar për Menaxhimin e Integruar të Mbetjeve, 2020-2035”, duke synuar uljen e sasisë së mbetjeve të gjeneruara dhe menaxhimin e integruar të mbetjeve.

*Drejtoria e Biodiversitetit për këtë aktivitet shpreh se është jashtë fushës së tyre të përgjegjësisë.*

*Agjencia Kombëtare e Zonave të Mbrojtura shprehet:* Bazuar në dokumentacionin e aplikimit, sipërfaqja ku do të zhvillohet aktiviteti: “Instalime për mbarështimin intensiv të pulave që rriten për vezë”, adresa: Vlorë; Qendër – Vlorë, Kaninë, fshati Kaninë, godinë private, Fushë – Kaninë, me zhvillues “A-K KANINA” dhe aplikues “Go-Green Studio”, me nr. Aplikimi AN260120260031, nuk ndodhet brenda rrjetit të zonave të mbrojtura .

*Agjencia e Menaxhimit të Burimeve Ujore shprehet:* Referuar gjurmës së zonës që do të zhvillohet, që rezulton prej koordinatave të konturit të dhëna në Raportin Teknik të paraqitur nga ju, si edhe të dhënave për trupat ujorë sipas shtresës Hidrografia, në Gjeoportalin ASIG, si dhe duke marrë parasysh faktin që objekti është ekzistues dhe nuk do të ketë gjurmë ndërtimi të re, rezulton se projekti i zhvillimit nuk është objekt i legjislacionit për burimet ujore.

Agjencia e Menaxhimit të Burimeve Ujore vlerëson se në raportin e VNM-së paraprake duhet patjetër të merren parasysh dhe të trajtohen edhe elementët/çështjet e mëposhtme:

- Përshkrimi i ndikimeve negative të rëndësishme të aktivitetit të propozuar në cilësinë e ujërave apo ndikime negative shtesë (kumulative) në burimet ujore sipërfaqësore dhe nëntokësore (nëse ka);

- Informacion i detajuar lidhur me:

- a. Çdo ndotës/substancë të rrezikshme që shkakton ndotje, që ka gjasa të shkarkohet në burimet ujore nga zhvillimi i këtij aktiviteti të propozuar;

- b. Të detajohet se cili do të jetë trajtim i përshtatshëm i ujit të ndotur me qëllim që pas shkarkimit, ky ujë i ndotur të mos ndikojë në trupin ujor ku do të shkarkohet dhe t’u mundësojë ujërave pritëse të përmbushin objektivat përkatës të cilësisë mjedisore;

- c. Të paraqiten masat që subjekti do të marrë lidhur me shkarkimin e ujërave, si dhe me mbetjet, pasi në asnjë mënyrë nuk duhet që këto ujëra të depërtojnë në akuifer.

- Në programin e monitorimit të ndikimeve në mjedis gjatë zbatimit të aktivitetit të përfshihen edhe ndotësit/substancat e rrezikshme që shkaktojnë ndotje ujërave pritëse, si dhe të përcaktohet vlera kufi e emetimit për secilin nga ndotësit/substancat e rrezikshme të identifikuar, që mund të shkarkohen në trupat ujorë gjatë zhvillimit të aktivitetit, të shprehura në termat e parametrave specifike të sigurt, përqendrimit ose

nivelit të emetimit, që nuk duhet të tejkalohet gjatë një ose më shumë periudhave kohore.

*Agjencia Rajonale e Mjedisit shprehet:* Në vijim të zbatimit të Ligjit Nr. 10431, datë 09.06.2011 “Për Mbrojtjen e Mjedisit” i ndryshuar, Ligjit Nr. 10448, datë 14.07.2011, “Për Lejet e Mjedisit”, i ndryshuar, Ligjit Nr. 10440 , datë 07.07.2011 “Për Vlerësimin e Ndikimit në Mjedis”, dhe akteve nënligjore mjedisore në fuqi, Agjencia Rajonale e Mjedisit Fier/Vlorë/Gjirokastër, jep mendimin se subjekti duhet të vazhdojë procedurat përkatëse për Vlerësimin e Ndikimit në Mjedis (Të Thelluar).

*Bashkia Vlore shprehet se* Në mbështetje të Ligjit Nr. 12/2015 “Për disa ndryshime në ligjin nr. 10440, datë: 07.07.2011, “Për Vlerësimin e Ndikimit në Mjedis”, VKM 828, datë: 28.12.2023, për disa ndryshime dhe shtesa në VKM 686, datë: 29.07.2015, “Për miratimin e rregullave, përgjegjesive e afateve, për zhvillimin e procedurës së transferimit të Vendimit e

Deklaratës Mjedisore”, të ndryshuar, aplikimi për “VNM E THELLUAR-Njoftim” për objektin “Instalime për mbarështimin intensiv të pulave që rriten për vezë ”, është në rregull për tu pajisur me raportin e VNM-së së Thelluar.

### **Qëndrimi i Agjencisë Kombëtare të Mjedisit:**

Në hartimin e VNM-së së thelluar subjekti duhet të paraqesë dhe të plotësojë informacionin në si më poshtë:

- a) Kërkesat e Ministrisë së Mjedisit, të cilat duhet të merren parasysh dhe të trajtohen në raportin e thelluar të VNM-së.
- b) Subjekti duhet të hartoj strukturën dhe renditjen e informacionit në raportin e VNM –së së Thelluar, në përputhje me shtojcën II të VKM Nr. 686, datë 29.7.2015 “Për miratimin e rregullave, të përgjegjësive e të afateve për zhvillimin e procedurës së vlerësimit të ndikimit në mjedis dhe procedurës së transferimit të vendimit e deklaratës mjedisore”
- c) Subjekti gjatë hartimit të VNM së thelluar duhet të kryej Konsultimin me publikun në bazë të VKM-së nr 247, datë 30.4.2014. “Për përcaktimin e rregullave, të kërkesave e të procedurave për informimin dhe përfshirjen e publikut në vendimmarrjen mjedisore” duke njoftuar AKM-në paraprakisht për këtë takim.  
Në këtë takim duhet të ketë një pjesëmarrje të gjerë, me banorë të cdo fshati që preket nga zhvillimi këtij projekti, duke qënë se projekti ka një shtrirje të gjerë.
- d) Raporti I Thelluar I Vlerësimit të Ndikimit në Mjedis duhet të jetë i detajuar, duke përcaktuar qartë shkarkimet në mjedisin rrethues (tokë, ujë, ajër) gjatë fazës së ndërtimit dhe funksionimit.
- e) Të detajohen masat për menaxhimin e mbetjeve të ambalazheve dhe mbetjeve inerte të gjeneruara gjatë punimeve.
- f) Përshkrimin e sipërfaqes bimore, florës dhe faunës së zonës ku do të zbatohet projekti, (i detajuar dhe te jepen te sakta referencat kadastrale te sipërfaqeve pyjore te prekura nga aktiviteti).
- g) Sistemi i mbrojtës kundër zjarrit dhe masat mbrojtëse ndaj aksidenteve të papritura gjatë fazës së instalimit dhe funksionimit.
- h) Në rast se kjo sipërfaqe prek fond pyjor, subjekti duhet të bëjë kërkesë pranë institucioneve përkatëse për heqje nga fondi pyjor.*
- i) Raporti teknik të hartohet duke u bazuar në VKM Nr. 686, datë 29.7.2015 “Për miratimin e rregullave, të përgjegjësive e të afateve për zhvillimin e procedurës së vlerësimit të ndikimit në mjedis dhe procedurës së transferimit të vendimit e deklaratës mjedisore”.
- j) Raporti Vlerësimit të Ndikimit në Mjedis si dhe Relacioni Teknik të përmbajë planimetritë dhe koordinatat e projektit.
- k) Të bashkangjiten në Raportin Teknik dhe Raportin e thelluar të VNM-së të gjitha lejet dhe licencat që zotëron subjekti për këtë lloj aktiviteti, si detyrim ligjor që vjen nga VKM nr.686, datë: 29.07.2015, “Për miratimin e rregullave, përgjegjësive e afateve, për zhvillimin e procedurës së transferimit të Vendimit e Deklaratës Mjedisore”, të ndryshuar, Kreu II, Pika 10. c).**

Për sa më sipër, të hartohet Raporti i thelluar i VNM-së dhe të paraqitet në dosje edhe Dëgjesa me publikun, sipas legjislacionit në fuqi.

**DREJTOR I PËRGJITHSHËM**

**Marjeta Përlala**

**NË MUNGESË DHE ME URDHËR**

**DREJTOR I PËRGJITHSHËM**

**Athanas Karaja**



Entela  
Zakova

Digitally signed  
by Entela Zakova  
2026.03.02 12:07:21 +02'00'

Vulosur elektronikisht nga Agjencia  
Kombëtare e Mjedisit  
Date:2026/03/02 14:51:27 +02'00'  
313f9238803f4dcfb82e233edf12fda20

Perparim  
Mancellari

Digitally signed  
by Perparim Mancellari  
2026.03.02 13:37:08 +02'00'

Athanas  
Karaja

Digitally signed  
by Athanas Kara  
2026.03.02 14:51:27 +02'00'



